



**«ԻՆՏԵՐԱԿՏԻՎ ԿՐԹՈՒԹՅԱՆ  
ՉԱՐԳԱՑՈՒՄ»  
ՀԻՄՆԱԴՐԱՄ**



**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ 2023**

**ՀԵՏԱԶՈՏԱԿԱՆ ԱՇԽԱՏԱՆՔ**

**ԹԵՄԱ`  
ԱՌԱՐԿԱ`  
ՀԵՂԻՆԱԿ`  
ՄԱՐԶ`  
ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ`**

Գրական ունկնդրումը առաջին դասարանում  
Մայրենի  
Մարտիրոսյան Նաիրա Աշոտի  
Երևան  
Շ.Շահամիրյան կրթահամալիր

ԵՐԵՎԱՆ 2023

## Բովանդակություն

• Ներածություն .....	2
• ԳԼՈՒԽ I. Գրական ուկկնդրման հիմնական նպատակներն առաջին դասարանում .....	3
• Գրական ուկկնդրման խնդիրները .....	3
• Յետազոտական մաս .....	3
• ԳԼՈՒԽ II. Ուկկնդրման դասերը գրաճանաչության փուլում .....	7
• ԳԼՈՒԽ III. Գրական ուկկնդրման ժամերը ընթերցանության փուլում .....	9
• Իմ փորձից (ընթերցանության փուլ) .....	12
• Դադար – խաղ ուսուցումը գրական ուկկնդրման դասերին .....	13
• Եզրակացություն .....	15
• Օգտագործված գրականության ցանկ .....	16

## Ներածություն

Լեզուն պահպանելու համար առաջին հերթին այն պետք է սիրել և ճիշտ օգտագործել:

Սիրենք, պահպանենք և օգտագործենք հազարամյակներից ժառանգած մեր մեծագույն գանձը, մեր ինքնության հիմնական գրավականը՝ մեր մայրենի լեզուն:

Երեխան մայրենի լեզվի կրողն է: Նա լավ, թե՛ վատ, ճիշտ, թե՛ սխալ, անընդհատ հաղորդակցվում է, ճանաչում ինքն իրեն, արտահայտում է իր մտքերը, փորձում է հասկանալ և հասկանալի լինել:

## **ԳԼՈՒԽ I. Գրական ունկնդրման հիմնական նպատակները և խնդիրները առաջին դասարանում**

Տարրական դասարաններում ընթերցանությունը հիմք է հանդիսանում հետագայում գրականության նկատմամբ հետաքրքրությունների զարգացման, բառապաշարի հարստացման, արժեհամակարգի ձևավորման համար:

Չետագոտության նպատակն է՝ բացահայտել գրական ունկնդրման դերը կրտսեր դպրոցականների ճանաչողական գիտելիքների հարստացման զարգացման գործում:

### **Գրական ունկնդրման խնդիրները**

Կրտսեր դպրոցի խնդիրն է օգնել երեխային գրավոր ու բանավոր խոսքը ճիշտ կազմակերպել, կարողանալ արտահայտել իր հույզերը, զգացմունքներն ու հաղորդակցվել:

Գրական ունկնդրումն՝ ուսուցման կազմակերպման մի տեսակ է, որտեղ պետք է ստեղծել ազատ, անկաշկանդ միջավայր՝ խոսքի յուրացումը սերտորեն կապելով երեխայի առօրյայի, ամենօրյա գործունեության հետ:

Ուսումնական նշված միջավայրը նպաստում է, որ սովորողն առանց սխալվելու վախի արտահայտի իր մտքերը, կարծիքը, հույզերը:

Գրական ունկնդրման դասերը պետք է վարել այնպես, որ երեխաները չհայտնվեն պասիվ ունկնդրի դերում:

### **Չետագոտական մաս**

Ունկնդրման համար գեղարվեստական գրականության ընտրության հարցում պետք է նկատի ունենալ հետևյալ նյութերը՝

- Բովանդակությամբ՝ մատչելի ու հետաքրքիր, ծավալով՝ ոչ մեծ, պատմողական և դիևամիկ սյուժեյով;

- Բնության, հայրենի երկրի, կենդանիների, ճանապարհորդությունների մասին;
- Երեխաների կյանքից, որոնք կհիշեցնեն սեփական անձի հետ կապված իրավիճակներ;
- Հայ և արտասահմանյան մանկական գրականության դասականների ստեղծագործություններ (արձակ և չափածո);
- Ժողովրդական բանավոր ստեղծագործության նմուշներ;
- Հումորային, զվարճալի պատմություններ;
- Տարաբնույթ նյութեր ` հայրենիքի, երեխաների կյանքի, մարդկային փոխհարաբերությունների մասին:

Ունկնդրման միջոցով աշակերտները կընկալեն գրական տեքստը: Ունկնդրումը պետք է նպաստի ` խոսքի, երևակայության և մտածողության գործընթացների զարգացմանը: Գրական ստեղծագործության մեջ նկարագրված դեպքերը հուզազգայական վերաբերմունք դրսևորելու կարողություն են ձևավորում: Կողմնորոշվելու կարողություն է ձևավորվում գրական որոշ ժանրերի մեջ (հեքիաթ, պատմվածք, բանաստեղծություն):

Գրական ունկնդրման դասերին ուսուցիչը պետք է օգնի երեխային ձևավորելու նոր արժեհամակարգ, որն էլ հենվում է բարության, սիրո, ընկերասիրության, հոգատարության վրա: Ընթերցասիրության և գրքի հանդեպ սովորողների հետաքրքրության կայացմանը նպաստում է գրական ունկնդրման ժամերի ճիշտ կազմակերպումը:

Այսօր վեց տարեկան երեխան տիրապետում է համակարգչային տարրական գիտելիքների: Տեխնոլոգիաները դարձել են մեր կյանքի անբաժանելի մասը, և առանց դրանց անհնար է պատկերացնել մեր կյանքը: Բայց սա ունի նաև իր բացասական կողմերը: Նվազել է գրքի հանդեպ հետաքրքրությունը: Փոխվել են ուսուցման և կրթության խնդիրները: Երեխային պետք է դաստիարակել առանց ճնշում գործադրելու, հարկադրանքի, այլապես դա կարող է առաջ բերել հիասթափություն ուսման հանդեպ:

Երեխայի ուսուցումը պետք է կազմակերպել հեքիաթի, խաղի ձևով: Գրական ունկնդրման միջոցով փոքրիկը կբացահայտի խոսքի կախարդական հմայքը:

Ունկնդրման կարողությունների զարգացումը կհանգեցնի մի քանի խնդրի լուծման, որոնք են.`

ա) Ունկնդրումը վերածել խոսքային գործունեության անհրաժեշտ բաղադրամասի և երկկողմանի գործընթացի;

բ) Ունկնդրման նպատակի բացահայտումը;

գ) Հասկանալ ունկնդրված տեքստը;

դ) Ունկնդրելիս ազատ լինել ` հարցեր առաջադրելու մեջ ` լավ չընկալածի շուրջ;

ե) Ուշադրություն դարձնել խոսքի ընդհանուր բովանդակությանը;

զ) Ստուգել մտավոր խոսքն ունկնդրելու, մտապահելու կարողությունները:

Ինքնուրույն ընթերցողական ունակությունների ձևավորումը սկսվում է ուսուցման առաջին օրվանից և իրագործվում է փուլ առ փուլ:

**I փուլ (Նախապատրաստական)**: Առաջին դասարան, երբ աշակերտը Նոր գրաճանաչ է դառնում:

**II փուլ (հիմնական)**: Ներառում է II – IV դասարանները:

Նախապատրաստողական և տառուսուցման ընթացքում ուսուցիչը պետք է ցույց տա ընթերցվող գիրքը, կարդա վերնագիրը, հեղինակի անունը: Աշակերտները պետք է կրկնեն:

Հեքիաթն ընթերցելուց հետո ուսուցիչը պետք է գիրքը փոխանցի աշակերտներին: Վերջիններս պետք է դիտեն կազմը, թերթեն էջերը, նայեն նկարազարդումները:

Ունկնդրումն ենթադրում է սովորողի կողմից մի շարք կարողությունների տիրապետում.՝

- 1) Ընկալել և հասկանալ ունկնդրված տեքստի բովանդակությունը;
- 2) Վեր հանել կարևոր տեղեկատվությունը;
- 3) Ամբողջությամբ ըմբռնել գրագրի մանրամասները:

Գրական ունկնդրման դասերն առաջին դասարանում նպաստում են աշակերտի ակտիվ բառապաշարի հարստացմանը ` Նոր բառերով: Ձևավորվում է կարդացածի վերաբերյալ կարծիք հայտնելու ունակություն: Երեխայի մոտ ձևավորվում է ` կենդանիների, շրջապատող աշխարհի, բնության նկատմամբ հոգատար վերաբերմունք: Երեխան պարզագույն պատկերացում է կազմում շրջակա աշխարհի մասին: Ծանոթանում է հասակակիցների կյանքին, նրանց խնդիրներին:

Երեխան պետք է կարողանա.՝

- Ունկնդրել և ուսուցչի հարցերի օգնությամբ վերարտադրել հեքիաթներ, պատմվածքներ, բանաստեղծություններ;

- Կարծիքներ և տպավորություններ փոխանակել ունկնդրած ստեղծագործության վերաբերյալ;
- Յետևել գրական ստեղծագործությունների դեպքերի զարգացմանը, հերոսների փոխահարաբերություններին և դրանք վերարտադրել նույնությամբ կամ ստեղծագործաբար.
- Պատմել ըստ հիշողության կամ նկարի;
- Նկարել ունկնդրած ստեղծագործության թեմայով, աշխատել բնական նյութերով և դրանք մեկնաբանել;
- Բեմականացնել ստեղծագործություններ և մասնակցել հագուստի, դեկորների ընտրությանը;
- Կազմակերպել մանական նկարների և ստեղծագործական աշխատանքների ցուցահանդեսներ;
- Ստեղծել դասարանական գրադարան;
- Հիշատակել բանահյուսական մատչելի նմուշներ, մաղթանքներ, նամակներ;
- Ընթերցել հումորային ստեղծագործություններ, պատմել զվարճալի դեպքեր սեփական կյանքից:
- Ընթերցել տարաբնույթ նյութեր, խմբերում քննարկել, սեփական կենսափորձից մտաբերել նման օրինակներ:

## **ԳԼՈՒԽ II. Գրական ունկնդրման դասերը գրաճանաչության փուլում**

Այս շրջանում ավելանում են նոր պահանջներ: Վեց տարեկան փոքրիկն արդեն տառաճանաչ է, և առաջանում է նոր խնդիր, այն է՝ սովորել ինքնուրույն ընթերցել փոքրիկ տեքստերը: Նախատեսված տեքստերը պետք է լինել ոչ ծավալուն և հրապուրեն երեխաներին:

Գրական ունկնդրման դասերը կարելի է սկսել մոտ երկուսից՝ երեք րոպե տևողությամբ խոսքային վարժություններից: Դա անհրաժեշտ է, որպեսզի դասամիջոցից հետո երեխաները հեշտությամբ խաղային գործունեությունից անցում կատարեն ուսումնական գործունեությանը և ներգրավվեն ակտիվ մտավոր աշխատանքում: Խոսքային վարժությունների համար շատ հարմար են շուտասելուկները, հանելուկները, բանաստեղծություններն, ոչ ծավալուն հետաքրքրաշարժ տեքստերը:

Երեխաները հաճույքով են անգիր արտասանում խոսքային վարժությունների համար նախատեսված տեքստերը:

Ճիշտ ընտրված հեքիաթները, մանական պատմվածքներն ու բանաստեղծությունները հետաքրքիր և բովանդակալից կդարձնեն գրաճանաչության ողջ ընթացքը, կլրացնեն կարդալու և հաղորդակցվելու կարողությունների զարգացմանն ուղղված աշխատանքները, կլուսավորեն և կմարզեն երեխայի միտքը, կսովորեցնեն խոսել գեղեցիկ գրական հայերենով: Այս փուլում ընթերցում է ուսուցիչը /մեկ ստեղծագործություն/: Օգտվում եմ «Գրական ունկնդրում և խոսք» ձեռնարկից, նախատեսված հանրակրթական դպրոցի I – ին դասարանի համար: Ձեռնարկում գետեղված են հեքիաթներ, մանկական պատմվածքներ ու բանաստեղծություններ, ընդհանուր քննարկման կյուլթեր, նկարագարդման աշխատանքներ, տրամաբանական առաջադրանքներ, «մատնային թատրոն» խմբային և անհատական աշխատանքների համար նախատեսված կյուլթեր /հեքիաթ՝ ձայնավոր և բաղաձայն հնչյունների մասին/, ըստ նկարի հեքիաթի բովանդակության վերարտադրում «Մրջյունիկի արկածները», ստեղծագործական աշխատանքներ և ձայներիզ: Ձայներիզի կյուլթերը կարելի է ունկնդրել, ինչպե՛ս դպրոցում, այնպե՛ս էլ՝ տանը, մասնակից դարձնելով նաև ընտանիքի անդամներին և ընկերներին:



Ձեռնարկի նյութերը կարելի է ուսումնասիրել խառը հաջորդականությամբ: Ակտիվ ունկնդրելով ու քննարկելով, կտրել – փակցնելով, խորհելով ու խոսելով, երգելով ու բեմադրելով, ներկելով ու նկարելով, ստեղծագործելով կգարգանա երեխայի բանավոր խոսքը:

### **ԳԼՈՒԽ III. Գրական ունկնդրման ժամերը ընթերցանության փուլում**

Ընթերցանության շրջանում /49 ժամ/ գրական ունկնդրման դասաժամերն անհրաժեշտ է կազմակերպել յուրաքանչյուր շաբաթ ` մեկ անգամ /7 ժամ/: Այս դասաժամերը տարբերվում են գրաճանաչության փուլում կազմակերպվող գրական ունկնդրման դասաժամերից, քանի – որ երեխաներն արդեն կարողանում են ընթերցել: Այս դասերի կարևորագույն խնդիրն է ` առաջին դասարանցիներին սովորեցնել ինքնուրույն ընթերցել մանկական գրքեր: Այս փուլում ավելանում են մի քանի նոր պահանջներ: Պետք է սեր արթնացնել երեխաների մեջ ընթերցանության նկատմամբ: Աշակերտները յուրաքանչյուր դասին ծանոթանում են ոչ թե մեկ, այլ ` երկու ծավալուն գրական ստեղծագործությունների հետ, որոնցի մեկը ` ինչպես գրաճանաչության փուլում ընթերցում է ուսուցիչը, իսկ մյուսը ` ինքնուրույն ընթերցում է աշակերտը: Այս երկու ստեղծագործություններն էլ իրար հետ պետք է համապատասխանեն կամ բովանդակությամբ, կամ ժանրով, կամ էլ հեղինակային պատկանելիությամբ:

Մինչ երեխային ինքնուրույն ընթերցանության համար նոր գիրք առաջարկելը, անհրաժեշտ է նախապատրաստել նրան ` նոր գրքի շուրջ աշխատանքի կատարման համար, ստեղծել պայմաններ, որոնց ընթացքում ճանաչողական հետաքրքրությունը կօգնի աշակերտին հաղթահարել կարդալու տեխնիկայի հետ կապված դժվարությունները:

Աշակերտի ինքնուրույն ընթերցանության համար նախատեսված ոչ ծավալուն ստեղծագործությունը պետք է հրապուրի երեխաներին և նրանց մեջ առաջացնի ընթերցանության ցանկություն:

Անծանոթ գրքի ինքնուրույն ընթերցանությունն առաջին դասարանցու համար այնքան բարդ աշխատանք է, որ առանց ուսուցչի ժամանակին և ճիշտ մշակված օգնության ոչ բոլոր աշակերտներն են ունակ այն հաղթահարելու: Այս տարիքում երեխաներն ավելի շատ սիրում են ունկնդրել գեղարվեստական ստեղծագործություններ, քան թե ` ընթերցել: Հարկավոր է սովորեցնել երեխաներին ` հաղթահարել կարդալու հետ եղած դժվարությունները: Պետք է աշխատանքն այնպես կազմակերպել, որ աշակերտները հաճույք ստանան գրքի հետ ինքնուրույն հանդիպումից:

Գրական նյութերի ուսուցման ժամանակ թվային միջոցների գործածումը նոր մեթոդների կիրառում է ենթադրում: Երեխան լսում, կարդում, ապա նաև իր կարդացածը դիտում է: Շատ արդյունավետ և հետաքրքիր է անցնում գրական ունկնդրման դասաժամը, երբ աշակերտը լսում /կարդում/ ու դիտում է հեքիաթներն, ապա պատմում – ձայնագրում թվային ձայնագրիչով ու նորից լսում, հետո նկարում վրձնով, ինչպես նաև համակարգչով բեմադրում – տեսագրում է՝ դառնալով հեքիաթի կերպար ու հերոս:

Մանական համաշխարհային գրականությունից անհրաժեշտ է ընտրել այնպիսի նմուշներ, որոնց ընթերցումը խթանում է երեխայի ստեղծագործական միտքը, նպաստում երևակայության զարգացմանը: Օրինակ՝ Ջանի Ռոդարիի «Շոկոլադե ճանապարհը», Վ. Բիրյուկովի «Քաղաքավարի գորշուկը», Դ. Դիսեթի «Մոռացված ծննդյան օրը» և այլն:

Յուրաքանչյուր դասին աշակերտները պետք է սովորեն ընտրել և կարդալ մանկական գրքեր: Այդ աշխատանքներին կարելի է տրամադրել 10 օր: Երեխաներն ինքնուրույն դիտարկում են անձանոթ գիրքը, իսկ այնուհետև որոնում և ընթերցում են այդ գրքում գետեղված անհրաժեշտ գեղարվեստական ստեղծագործությունը, ուսուցիչն իր հերթին ուշադիր հետևում է, թե ինչ դժվարությունների են հանդիպում երեխաներն աշխատանքի ընթացքում, ինչ սխալներ են թույլ տալիս, ով և ինչու է ժամանակից շուտ դադարեցնում ընթերցանությունը:

Այստեղ պետք է կիրառել շերտավորված ուսուցում:

Թույլ աշակերտները պետք է ստանան ավելի ոյուրին, իսկ ուժեղներն՝ իրենց ուժերի ներածին չափով բարդ առաջադրանքներ: Կարելի է թույլ աշակերտին հանձնարարել կարդալ ստեղծագործության վերնագիրը, որը որոշակի տեղեկություն է տալիս, թե ինչի մասին է տվյալ պատմվածքը, հեքիաթը /բանաստեղծությունը/, նկարել աշակերտների մեկ այլ խմբի հետ, կարելի է առաջադրել կարդալ ստեղծագործության մի փոքր մասը: Իսկ այն աշակերտներին, որոնք շատ ավելի լավ են ընթերցում՝ կարելի է տալ լրացուցիչ առաջադրանք, օրինակ՝ ոչ միայն ուղղակի ընթերցել, այլ նաև մտածել ընթերցածի շուրջ տրված որևէ հարցի վերաբերյալ, օգնել ընկերներից որևէ մեկին ընթերցել տեքստը և այլն:

Ես դասարանում ունեմ թույլ աշակերտներ /ԱՌԻՊ/, որոնց կցում եմ ուժեղ աշակերտներին՝ օգնելու և միասին աշխատելու համար: Նման աշխատանքը զարգացնում է երեխաների մոտ փոխօգնության և ընկերասիրության գաղափարը:

Առվորողը սովորեցնում է սովորեցնելով:

Երբ ինքուրույն ընթերցանությունն ավարտվում է, նպատակահարմար է սկզբում լսել թույլ երեխաներին, որոնց առաջադրված էր ըստ վերնագրի և նկարագարդման որոշել ստեղծագործության բովանդակությունը: Անհրաժեշտ է խրախուսել նրանց, ովքեր ջանացել են և տվել են ճիշտ պատասխաններ: Այնուհետև ընթերցացի շուրջ գրույցի ընթացքում անհրաժեշտ է նշել բոլոր նրանց, ովքեր աշխատել են ուշադիր, բարեխիղճ:

Ցանկացած նոր գրքի հետ պետք է ծանոթանալ այսպես՝

Ուսուցչի հսկողությամբ երեխաներն ուսումնասիրում են գրքի շապիկն, որոնում և գտնում են վերնագիրը, հեղինակի անուն, ազգանունը, թերթում են գիրքը: Աշակերտներից /ուժեղ/ որևէ մեկը բարձրաձայն ընթերցում է սեղմագիրը: Ապա երեխաներն արտահայտում են իրենց ենթադրությունները գրքի բովանդակության մասին: Այնուհետև ուսուցիչը ցուցում է տալիս, թե այդ գրքից, որ ստեղծագործությունն է անհրաժեշտ ընթերցել: Ընթերցելուց հետո անհրաժեշտ է կատարել տարաբնույթ աշխատանքեր տեքստի շուրջ: Կարելի է հանձնարարել տանը նկարել, փնտրել և դասարան բերել նմանատիպ նոր ստեղծագործություններ:

Ես «Գրական ունկնդրում» դասաժամերն անցկացնում են ըստ վերը նշվածի: Աշխատանքի ընթացքում գրատախտակին գրում են մեր նշանաբանը՝ «ստեղծագործենք այնպես, որ այս գիրքը /ստեղծագործությունը/ հարստանա մեր մտքի և երևակայության պտուղներով: Ուսուցչի կողմից ոգեշնչումը նոր, դրական լիցքեր է տալիս յուրաքանչյուր երեխայի:

Ստեղծագործական վերնագիրը, ժանրը, թեման սովորեցնում են, իսկ ստեղծագործության շուրջ ամբողջ աշխատանքը անցկացնում են երեխայի սկզբնական ընկալումից հետո:

## Իմ փորձից (ընթերցանության փուլ)

1) Կատարում եմ խոսքային վարժություններ, որոնց տեքստերն ընտրում եմ այնպես, որ դրանք հնարավորություն ընձեռեն ակտիվացնել երեխաների կենսափորձը: Միևնույն ժամանակ, դրանցում ներկայացված պատկերները պետք է փոխկապակցված լինեն տեքստի բովանդակության հետ:

Օրինակ՝ հանելուկների առաջադրանքում՝ աղվեսի, շան և աքաղաղի մասին:

Դրանք նախապես պատրաստում եմ, գրում վահանակների վրա /մի կողմում/, իսկ մյուս կողմում՝ նկարներն են /պատասխանները/:

Ակնկալվող պատասխանները լսելուց հետո հանձնարարում են բնութագրել կենդանիներին /թռչնին/ իրենց պատկերացմամբ՝

Աքաղաղ՝ ազնիվ, միամիտ, լսող;

Շուն՝ հավատարիմ, ուժեղ, բարի;

Աղվես՝ խորամանկ, խարդախ, գող:

2) Ապա, որպես դադար փորձում ենք ինչ – որ շարժումով /ձայնով/ նմանակել վերը նշված հերոսներին:

3) Հանձնարարում են բացել Հովհաննես Թումանյանի հեքիաթների գիրքը, ծանոթանալ հեղինակի հետ, և գուշակել, թե որ հեքիաթն ենք կարդալու /կարելի է նաև ուղղորդել/:

Ընթերցանությունը սկսում եմ /շերտավոր/ անհատական մոտեցում ցուցաբերելով: Թույլ աշակերտին հանձնարարում են կարդալ վերնագիրը և խորհել, թե ինչի մասին կարող է լինել հեքիաթը: Միջին ունակություններ ունեցող աշակերտներին հանձնարարում են ընթերցել տեքստի մի հատված: Իսկ ուժեղ աշակերտներին հանձնարարում են արդեն ընթերցել ամբողջ տեքստը և մտածել գրատախտակին գրված հարցի շուրջ:

Կարդալուց հետո բացատրում ենք անհասկանալի բառերն ու բառակապակցությունները /կարելի է դու գիտենաս, խոսքը մին արին, սանահեր ... /:

Փորձում ենք ճիշտ պատասխանել: Ուկնդրած հեքիաթը վերարտադրում ենք, օգտվելով բանալի բառերից, որոնք աշակերտների օգնությամբ գրվել են գրատախտակին:

Կատարում ենք ստեղծագործական աշխատանք՝ հեքիաթի նկարազարդման, բովանդակության, հերոսների կերպարի շուրջ՝

- Նկարը համեմատել հեքիաթի բովանդակության հետ;
- Հեքիաթի ո՞ր դրվագն է ներկայացված նկարում /կարելի է և՛ պատմել, և՛ կարդալ այդ հատվածը;
- Նկարագրել հերոսներին: Ինչպես են խոսում կամ ինչ են խոսում ... :

Հանձնարարում եմ խմբային աշխատանք:

Աշակերտներին բաժանում եմ երեք խմբի: Առաջին խումբը մտածում է նոր վերնագիր, երկրորդ խումբը փոխում է հերոսներին /այլ կենդանիների/ և երրորդ խումբը մտածում է հեքիաթի այլ ավարտ:

Լսում և քննարկում ենք խմբերի պատասխանները:

Խրախուսվում են բոլորը:

## **Դադար – խաղ.՝ «Գուշակիր ով եմ ես»**

### **Հարցաշար.՝**

- Խորամանկ եմ և շատակեր;
- Ո՞ր կենդանու հետ եմ ազգակից;
- Ի՞նչ եմ շատ սիրում ուտել;
- Որտե՞ղ եմ ապրում;
- Ո՞վ է իմ թշնամին;
- Ի՞նչ խորհուրդ կտաք ինձ:

Հարցերին պատասխանում են բոլորը:

Դասի ամփոփում:

Հեքիաթի հիմնական իմաստի վեր հանում:

Կարելի է կազմել քառաբաժան.՝

Ի՞նչ տեսա	Ի՞նչ լսեցի
Ի՞նչ զգացի	Ի՞նչ հասկացա

Տեխնոլոգիայի ժամին պատրաստած տիկնիկներով որոշեցինք ներկացանել հեքիաթի նոր տարբերակ /ստեղծագործում են երեխաները/:

Որպես տնային աշխատանք երեխաներին հանձնարարվեց նկարել հեքիաթի իրենց ընտրած հերոսին և ընկերներին պատմել բովանդակությունը:

Շատ կարևոր է աշակերտների հետ քննարկել տեքստի շուրջ կատարվող աշխատանքները: Երեխան պետք է կարդա հասկանալով, ընկալի տեքստի հիմնական միտքը:

Ընկալելուց հետո կարևոր է, որ երեխան կարողանա վերարտադրել, այսինքն ` պատմել տեքստի հիմնական բովանդակությունը ` փոփոխելով առանձին բառեր կամ նախադասություններ: Վերապատմելիս չի կարելի փոխել տեքստի բովանդակությունը:

Եթե ուսուցչի կողմից հանձնարարվում է մտածել նոր ավարտ կամ փոխել հերոսներին, ապա այդ դեպքում խնդիրն այլ է:

Երեխաներին շատ հոգեհարազատ են նկարագրական տեքստերը /հեքիաթ, պատմվածք, հանելուկ ... /:

Կարելի է առաջադրել վերնագիր կամ նկարներ, ու հանձնարարել հորինել պատմություն կամ ուսումնասիրվող տեքստի համար աշակերտները կարող են ընտրել համապատասխան վերնագիր ` առաջադրված տարբերակներից:

Այստեղից հետևություն, որ վերնագիրն արտահայտում է տեքստի հիմնական թեման կամ հիմնական իմաստը, բովանդակությունը:

Գրական ունկնդրման ժամերի հիմնական խնդիրներն են ` ընթերցանությունը, բատապաշարի հարստացումն ու բանավոր խոսքի զարգացումը:

Երեխան պետք է կարողանա ընթերցել հասկանալով, ընկալել կարդացած տեքստի իմաստն ու բովանդակությունը:

Երեխան պետք է հասկանա, որ մայրենի լեզուն սովորում են ո՛չ միայն և ո՛չ այնքան դասերը լավ պատասխանելու, այլ նաև պատմելու, հաղորդակցվելու, ասելու, զրուցելու, կարդալու, խորհուրդ տալու և այլնի համար:

## Եզրակացություն

Ուսումնասիրելով ուսումնա – մեթոդաբանական ձեռնարկները, ծրագրերը, մասնագիտական գրականությունը կատարեցի հետազոտական աշխատանք և Եկա հետևյալ եզրակացությունների՝

- 1) Բոլոր այս ձեռնարկներն ու ծրագրերը միտված են մեկ նպատակի՝ զարգացնել սահուն և արտահայտիչ ընթերցանության զարգացման կարողությունը;
- 2) Տարրական դպրոցի դասագրքերում կան այնպիսի թեմաներ, որոնք կորցրել են իրենց արդիականությունը և այլևս հետաքրքիր չեն աշակերտներին;
- 3) Եկա այն եզրակացությանը, որ հենց սահուն ընթերցանությունն է զարգացնում և ձևավորում հարուստ բառապաշար, կապակցված խոսք կառուցելու և նաև դատողություններ անելու կարողություններ;
- 4) Նաև կատարելով տարբեր աշխատանքներ նույն բնագրի շուրջ՝ աշակերտը ձեռք է բերում լավ և հասկանալի կարդալու կարողություն, և նաև կարդալու ցանկությունը չի մարում:



## Օգտագործված գրականության ցանկ

Կ. Թորոսյան, Կ. Չիբուխյան – «50 հարցուպատասխան»;

Կ. Թորոսյան – «Խոսք և հաղորդակցություն»;

Ա. Զյուրքյան, Լ. Տեր – Գրիգորյան – «Մայրենի 1. ուսուցչի ձեռնարկ»: